



Na osnovu člana 22 Statuta Brčko distrikta Bosne i Hercegovine – prečišćeni tekst (Službeni glasnik Brčko distrikta BiH, broj 2/10), člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, broj: 54/18 – prečišćeni tekst i broj 17/20) i Prijedloga odluke Vlade Brčko distrikta BiH broj predmeta: 05-000185/20, broj akta: 01.11-1161DS-003/20 od 6. 5. 2020. godine, Skupština Brčko distrikta BiH na I. nastavku 63. redovne sjednice održanom 3. juna 2020. godine, donosi

O D L U K U

O UTVRĐIVANJU OBAVEZA ORGANA JAVNE UPRAVE, INSTITUCIJA, JAVNIH PREDUZEĆA, USTANOVA, ZAVODA I FONDOVA BRČKO DISTRIKTA BiH U POGLEDU USPOSTAVE REGISTRA ZAPOSLENIH I REGISTRA IMENOVANIH LICA

Član 1

- (1) Zadužuje se Vlada Brčko distrikta BiH da preduzme sve neophodne formalne i tehničke radnje radi uspostave Registra zaposlenih i Registra imenovanih lica u organima javne uprave, institucijama, javnim preduzećima, ustanovama, zavodima i fondovima Brčko distrikta BiH.
- (2) Registar zaposlenih uspostaviti će se radi stvaranja jedinstvene evidencije broja zaposlenih i transparentnijeg korištenja budžetskih sredstava za lična primanja zaposlenih u organima javne uprave, institucijama, javnim preduzećima, ustanovama, zavodima i fondovima Brčko distrikta BiH, kao i kontrolnih mehanizama trošenja javnih sredstava u segmentu zapošljavanja.
- (3) Registar imenovanih lica uspostaviti će se radi stvaranja jedinstvene evidencije lica koja u organima javne uprave, institucijama, javnim preduzećima, ustanovama, zavodima i fondovima Brčko distrikta BiH obavljaju javne funkcije, kao i evidencije lica koja su imenovana u nadzorna ili upravljačka tijela, komisije, radne grupe i druga stručna tijela, a sve radi uvida u način utroška budžetskih sredstava po osnovu isplaćenih naknada za obavljanje javnih ili drugih funkcija, te jačanja integriteta, objektivnosti, nepristrasnosti i transparentnosti u vršenju istih, kao i praćenja mogućih pojava oblika sukoba interesa u obavljanju javnih ili drugih funkcija za koje se isplaćuju naknade.
- (4) Zadužuje se Odjeljenje za stručne i administrativne poslove Vlade Brčko distrikta BiH – Pododjeljenje za ljudske resurse, da nakon što se steknu formalni i tehnički uslovi formira jedinstvene evidencije i da vodi registre iz stava 1 ovog člana.

Član 2

Zadužuju se organi javne uprave, institucije, javna preduzeća, ustanove, zavodi i fondovi Brčko distrikta BiH da, nakon uspostave registara iz člana 1 ove odluke, u što kraćem roku dostave Pododjeljenju za ljudske resurse Vlade Brčko distrikta BiH sve neophodne podatke potrebne za formiranje jedinstvenih evidencija.

Član 3

Obaveze iz člana 1 stava 4 ove odluke Pododjeljenje za ljudske resurse Vlade Brčko distrikta BiH izvršavat će do početka rada Ureda za prevenciju korupcije i koordinaciju aktivnosti na suzbijanju korupcije, nakon čega će isti preuzeti obaveze vođenja registara iz člana 1 ove odluke.

Član 4

Ova odluka stupa na snagu danom donošenja i objavit će se u Službenom glasniku Brčko distrikta BiH.

Broj: 01-02-886/20
Brčko, 3. 6. 2020. godine

PREDSJEDNIK
SKUPŠTINE BRČKO DISTRIKTA BiH
Esed Kadrić

Dostavljeno:

1. Predsjedniku
2. Dopredsjedniku
3. Gradonačelniku
4. Glavnom koordinatoru Vlade
5. Odjeljenju za stručne i administrativne poslove
6. Pravosudnoj komisiji Brčko distrikta BiH
7. Direkciji za finansije
8. Kancelariji za reviziju javne uprave
9. Policiji Brčko distrikta BiH
10. Zavodu za zapošljavanje Brčko distrikta BiH
11. Fondu zdravstvenog osiguranja
12. Razvojno-garantnom fondu Brčko distrikta BiH
13. JP „Luka Brčko“
14. JP „Komunalno Brčko“
15. JP „Radio Brčko“
16. JP „Putevi Brčko“
17. JZU „Zdravstveni centar Brčko“
18. Sektoru za opće poslove i strateško planiranje
19. Arhivi